

Mattup ere ki poone Piyer yi riije

Enj urzi k'ono d'ofon kun t'oone adda mattup ettiyo

Ette mattup ere ki poone Piyer yi riije a d'ofon i ziipe addan a Isa adda siidiyagi paat ki Aazi. Aame Isa yon a siido gen, Piyer y'izire ti yode. Wo aame Isa yi-gime k'awwa ki kandaane man, Piyer y'a t'ize wede zina k'Isa a kane Yawudiyagi, y'an di kizite Rabila Majjaanawa.

Kane d'ofon i ziipe addan a Isa, Piyer y'an riije gen, d'uwu an di'n dibire kono an ziipe addan a Galmeega Isa Almasi. Kono k'injino Piyer y'an di riije mattup, kono an di seeda zakidi a urzi zaapu k'addan a Isa, kono i dibire ki poone kane danjal ye. Y'an di ruute sey, yode Almasi an ziipe addan gen, an yi dibire ki poone ti kane bini an a y'iide. Gen i-kaza aame an iido dabar man, an d'ombina aa ki yode. Y'an di ruute son, mummino lekkiyadan t'a koone a diine d'ofon i-tuuge k'ollige k'ono Raa me.

Toose ki Piyer

¹ Mattup ette i raaniya nun Piyer wede zina k'Isa Almasi. Ni raaniya a kune d'ofon Raa yi biire, i lekkiyo a borkiyagi, i-tiipite k'adda siidiyagi ki Pontus, ki Galat, ki Kapados, ki Aazi wo ki Bitini pay. ² Ti kaaga too Meega Raa y'unni biire a yode

me, geŋ a-t'iide a munda wede yi dihe y'aase ti poone. Y'un di'n uuye kese ti toogo ere k'Unde Kamileŋ kono kun d'olliga ono k'Isa Almasi, wo t'urzi rorriso puuzadí kun t'isa d'oŋ kamileŋ a daana Raa. Geŋ toose ti beeko ere daa dooziyo i koonaa eggun.

Uttiyo t'urzi k'Isa Almasi

³ In amma Raa, meeki Galmeegiŋ Isa Almasi, y'in d'ize adde koduwo baadaŋ, inkinoo in d'uune ehiyo ere aware t'urzi baldiyya k'Isa Almasi ti diine d'oŋ unto. Kono k'inokino kine in di zaapu elkisadiŋ in di lekke kaŋ soo ti yode. ⁴ Geŋ inkinoo Raa y'in okkime suldi d'oŋ a kandaane yi boohiyo a kine d'oŋzi, suldi d'oŋ a lekka ki daayum, i k'isa ganigi ye, majjaanikadaŋ i ki dagga ye. ⁵ A kune d'oŋ i ziipe addugun a Raa, y'un di'n booha ti toogadí kono y'un utte. Uttiyo gette a t'oodiiba ita kereŋ onniyo ere ki Raa t'iida maŋ.

⁶ Inkinoo maŋ kun di lekkiyo adda k'unŋsuwo, ise ankenno kun t'ize sommagi dondon toŋ maŋ k'onniyto miibi daŋŋal, kono kun uune naamiya t'urzi wede baadaŋ. ⁷ Naamiya gette kun di-t'oone kono an di suune kun ziipe addugun a Raa dey ko? Kune kun suune dap gette aane a lette, wo an t'eliyo adda k'uwwoo doo miŋ an di wolliyo majjaanikatú kollo. Wo zaapu k'addugun a Raa gette inkinoo kay, tod'te zooyatú ooŋe baadaŋ a jiiire dap, wo toŋ an di niime kono an ti wolle tod'te derec dey ko. Inkinoo maŋ kun t'oona tamma, daryika wo suma a onniyo ere Isa Almasi yi kiza tuddi a duwo pay geŋ me.

⁸ Kune'η, Isa Almasi kun ki y' wulle ye, toŋ kun di y' geyyiso, wo aŋkenŋo kun ki y' woliyo ye botto toŋ, kun di zaapu addugun a yode. Kono kamo ulbugun i d'isiyo unse baadan, kun d'isiyo unsuwo ere soo wenda yi k'aane yi ki ti roote ye. ⁹ Unsuwo gette kun uune kono Raa y'un utte. Geŋ munda wede kun t'oone kono kun ziipe addugun a Isa.

¹⁰ Kono k'uttiyo gette, ti kaaga toŋ kane nebiyagi an di dihite urzutú ki koduwo, wo an di gizite ki poone a urzi beeko ere Raa yi dehu y'un t'ela. ¹¹ Injino maŋ Unde k'Almasi adda k'addan, tod' t'an di ruute ki poone dabar ere Almasi Raa yi biire'η yi t'oona wo saŋ daryika ere i-etta te. Kane an di dihe, an di suune aame muno wo t'urzi mummino sulfi geŋ an d'aana me. ¹² Wo eŋ munda wede Raa y'an t'iidiba ita a nebiyagi: ono doŋ an kazita geŋ a kane batum ye, wo de a kune. Aŋkeŋ kane ono geŋ, doŋ i kazita Rabila Majjaanawa an un ti'n ruute ti toogo k'Unde Kamilen ere iido ti kandaane. Wo rabila gette kane maaleekiyagi toŋ an dehu baadan an di suune.

Lekkiyo ere ki diine

¹³ Kono kamo kun koona mentikagi a munda wede kun ise, kun lekko daayum zeere. A zaapo k'elkisagun gette, kun i ti zaapo pay a beeko ere Raa y'un t'ela a onniyo ere Isa Almasi yi kiza tuddi a duwo pay. ¹⁴ Kun ollo ono Raa aa inŋi an ollige ono meegan, wo kun ooli tuddugun a sulfi doŋ ulpi tudde ti dehu ye, aakede ti kaaga kun d'ize aame kun ki zuune Almasi ye botto. ¹⁵ Wo

de aakede Raa wede unni wiike yon kamilen, gen inokino kay kun lekko kamilen a soorugun pay te. ¹⁶ Derec ono en an riine ti kaaga adda mattup ki Raa, an'de: «Kun lekko kamilen kono nun Raa kamilen*.»

¹⁷ Adda tondiyagun a Raa'n, yon kun di y' waaku kun d'eesiyo Meega. Gen inokino a daanadi kun di lekko t'orgiso a onniytagi don kune botto adda duniya en me, kono Raa yi dekkiyo booro a wede tuuku ton a naabo ere y'ize y'ize, wo yi'ni wolliyo duwo pay kan soo.

¹⁸ Wo kun suune ti zooye miibi Raa y'un di'n udde t'urzi lekkiyo ere ki bita ki maawi an unni duuye te. Gen y'un udde ti suldi don i-ti lettiyo aa dap ti sonko genno ye, ¹⁹ wo y'un udde ti puuzo k'Almasi ere zooyatu' one baadan, yon wede aa ulo damu kamilen daa k'oldfiko munda a tuddi, an wilda ki sedeke. ²⁰ Yo Almasi gen Raa yi biire ti poone t'ume y'a okkima duniya botto too, wo ankenno a onniytagi don ki dangu en, Raa y'an ti y' gize a duwo kono aasa beehiye a kune. ²¹ T'urzi yode Isa kun di zaapu addugun a Raa, Raa wede a ti y' bilde ti diine don unto, wo yi-d'ele gooliko. Kono kamo kun di zaapu addugun wo kun di zaapu elkisagun a yode Raa.

Geyyiso tudde

²² T'urzi soorugun ere a-t'iide a urzi wede derec ki Raa, kun t'ize don kamilen kono kun di geyye tuddugun t'adde soo aakede zemba. Inokino man kun geyyo tuddugun

* **1:16** 1.16 Kun wollo adda mattup ki Lebitik 19.2.

daayum t'addugun pay. ²³ Geŋ kun suune kun uune ehiyo ere aware. Ehiyo ere aware gette, kun ki ti t'oone ye t'urzi wede ki maawi don i-t'unto me, wo kun ti t'oone t'urzi Raa batum wede i k'unto ye, t'urzi k'ono Raa don i-lekkiyo ki daayum wo i d'eliyo lekkiyo. ²⁴ Ono en an riije ti kaaga adda mattup ki Raa, an'de:

«Duwo pay kane aa soole,
majjaanikadan aa bobbo.

Onniyo miibi soole i di baahu wo bobbo i-t'eepiyo,

²⁵ wo kane ono Galmeega Raa i-lekkiyo ki daayum†.»

Wo kane ono geŋ Rabila Majjaanawa an un gizite gettiyo.

2

Isa yoŋ mukkolo ere majjaanawa a jiire

¹ Inŋino maŋ kun di sebbo dargun ita suldi don ulpi pay, aakede: daggiya duwo ti metinŋo, bize sire sire, zaapu k'adde a munda wede, wo dekkiyo duwo. ² Kun t'iso aakede inŋi don adda budfiko, an dehu daayum udu ki meede daa kalsiya. Geŋ inŋino kun deho ono Raa kono kun di t'ihira a urzizi, wo kun t'oona uttiyo. ³ Derec, ono en an riije ti kaaga adda mattup ki Raa, an'de: «Kun suune adda k'addugun Galmeega Raa yoŋ beehiye a jiire*.»

⁴ Kun aa odo ki sirpa Galmeega yi d'eliyo lekkiyo, yoŋ aa mukkolo duwo an di zidde

† **1:25** 1.25 Kun wollo adda mattup ki Ezayi 40.6-8. * **2:3** 2.3 Kun wollo adda mattup ki Soom 34.9.

mentú, wo de a daana Raa morkkolo zooyatú ooŋe, yi biire a yode. ⁵ Wo kune dŋon kun uune lekkiyo ere aware geŋ, kune toŋ kun t'isa aa moŋgali dŋon Raa yi zappu k'oozige boy ume lekkiyo k'Unde Raa. Wo kun t'isa dŋon sefeke ki Raa, kun i di naaba t'adde soo, kun d'isa sefeke ere a urzi k'Unde Raa[†], i-d'isa unŋe a Raa kono k'Isa Almasi geŋ me. ⁶ Derec, ono eŋ an riŋe ti kaaga adda mattup ki Raa, an'de:

«Kun wollo, ni biire morkkolo ere majjaanawa a jiire k'oozige boy, tode gette n'a ti zaapa adda geeger ki Siyon, wo n'a-t'ooziga boozó eego, wo wede yi ziipa addí a tode maŋ, yi-ki seeda sukiyagi ye[‡].»

⁷ Morkkolo ette tod'te beehiye baadan a kune dŋon i ziipe addugun a Raa me, wo de a kane dŋon i ki ziipe addan a Raa ye geŋ, inŋino ye. Derec, ono eŋ an riŋe ti kaaga adda mattup ki Raa, an'de:

«Morkkolo ere dŋon k'oozige boy an di zidde mentú gette, tode gettiyo a t'ize morkkolo ere majjaanawa a jiire k'oozige boy te\$.»

⁸ Wo soŋ an riŋe, an'de:

«Morkkolo ette k'eliyo morkiye a duwo, morkkolo ere k'a oore*.»

[†] **2:5** 2.5 Sefeke ere a urzi k'Unde Raa: I-kaza munda wede i-d'ise unŋe a Raa, ise t'urzi tamma, ise t'urzi k'isiyo naabo ere beehiye, ise t'urzi k'eliyo munda a wede. Kun wollo adda mattup ki Eber 13.15,16 wo Pilip 4.18. [‡] **2:6** 2.6 Kun wollo adda mattup

ki Ezayi 28.16. **§ 2:7** 2.7 Kun wollo adda mattup ki Soom 118.22.

* **2:8** 2.8 Kun wollo adda mattup ki Ezayi 8.14.

Kane geŋ an eliyto morkiyagi kono an ti tuuge k'ambu a ono Raa me. Geŋ ti kaagine too munda wede Raa yi dihe aasa injino.

⁹ Wo kune ita duwo don Raa yi biire, don sedefe ki Raa wede mozigo, don kamilen, don a yode yillak. Kune Raa y'unni biire, y'un di'n udde t'adda k'ume zimolo, y'un di'n t'iide k'ume toorayi beehiye a jiire, kono kun kizite a duwo suldi don majjandani Raa y'ize. ¹⁰ Ti kaaga kune don ki Raa ye, wo ankenno kun t'ize donzi. Ti kaaga kun ki zuune ye Raa y'isiyo adde koduwo, wo de ankenno kun zuune yon y'isiyo adde koduwo a kune me.

Lekkiyo ere ki don naabo Raa

¹¹ Zemba ki nun kune don ki geyyiso, kun suune adda duniya en kune aa torgagi, don i lekkiyo a borkiyagi. Injino man kun ollo n'un di rooto, kun ooli tuddugun a suldi don ulpi tudde ti dehu, i deyyiso ti undiyagun genno ye. ¹² Soorugun ti koonaa beehiye a daana don i ki suune Raa soo danjal ye me, kono aame ise kane an unni kalda kune don ulpi ton, an di wolla naabagun ere beehiye gettiyo, wo an di t'irma Raa a onniyo ere y'etto gette.

¹³ Kun kili t'edan ye don deero k'akuuma pay a siido me, aa Galmeega yi dehu. Kun kili t'eedi ye mozigo goole ki Roman me, kono yon t'ekki don pay, ¹⁴ wo a don deero siido, kane mozigo goole yi'n agisa seddu don isiyo naabo ere oldo k'eliyo dangay, wo don isiyo beehiyko an di'n tamma. ¹⁵ Injino enno munda wede Raa yi dehu me, t'urzi naabo ere beehiye kun isiyo,

kane dɔŋ elkisadaŋ umbo an ki suune munda ye'ŋ, bizaŋ an ki ti y' t'ihina ye. ¹⁶ Soorugun t'a koone aa dɔŋ eedaŋ toore. Injino maŋ a eggun toore gette, kun t'ise aa munda wede ki diibiyo a bundikagun ye, wo kun oziro aakede dɔŋ naabo Raa. ¹⁷ Kun an elo suma a dɔwo pay, kun geyyo zemba dɔŋ i ziipe addaŋ a Isa, kun orgido a Raa, wo kun elo suma a mozigo goole ki Romen.

Lekkiyo ki dɔŋ naabo a daana galmaawan

¹⁸ Kune dɔŋ naabo, galmaawugun kun an orgido kun kili t'eedaŋ ye, kun olliga ono ki kane dɔŋ beehiye tasse daŋŋal ye, wo ki kane dɔŋ unni dabirsa pây. ¹⁹ Derec, gette beeko a daana Raa, a wedusu y'a ombiŋa a dabar ere y'ooniyo a urzi ki diine ye, kono yon y'isiyo munda wede aa Raa yi dehu. ²⁰ Aame kun iza oldiko, injino kun t'oona kossiyo wo kun d'ombiŋa ton, un di'n t'imma wee wee? Wo aame kun iza beehiye, injino an un di'n dabira wo kun imbiŋa maŋ, gette beeko a daana Raa me. ²¹ Geŋ a urzi geŋno Raa y'unni wiike me, kono yode Almasi batum yi dibire kono kune. Urzi geŋ y'un iili a kune kono kun di wolle kun d'ambe zindí.

²² Yon oldiko yi k'ize ye,
wo ono dɔŋ ki lohito ton, umbo i k'udde ye ti
bizi me.

²³ Aame an yi gildite, yon y'an ki'n gilde ye.
Aame an yi dibire ton, yon y'an ki ruute ye y'an
d'isa ulsu me,
wo yon yi ziipe addi a Raa i dekkiyo booro ere
derec.

²⁴ Geŋ yode Almasi batum y'a t'umbe oldikadin
a tukki yode

aame an ti y' tiike ekk'undumu.
 Y'ize injkino kono y'in di'n udfde ti lekkiyadin ere
 a urzi k'oldfiko,
 wo in di lekke lekkiyo ere ki diine.
 Geŋ t'urzi kundayi dŋ y'uune, kun d'uune
 beeko k'oldfikagun.

²⁵ Derec, kune ti kaaga aakede dambami dŋ
 i digge†, wo ankenno kun ti gimo ki tukki yode
 wede y'unni dokkiyo, aa wede k'elso yi dokkiyo
 dambami.

3

Lekkiyo k'erayi ti kuulizan

¹ Kune erayi toŋ, kun kili t'ekki kuulugun
 ye, kono aame ti diinayan dŋ ongo ono Raa
 an k'umbe ye botto toŋ, an di wolla sooru ere
 beehiye ki kune erayzan, maŋ an di zaapa addan
 a Isa daa ki rootiyo k'ono Raa a kane. ² An t'ida
 edayan an di wolla soorugun ere ki diinekamilen
 ti ottilso gettiyo. ³ Kune erayi kun dehe maj-
 jaanika ere ti paate ye, aakede: koniyo k'eego
 ere a ambe ersa, ossiyto suldi ki dap, wo ossiyo
 kallagi dŋ majjandani zooyayan ooŋe. ⁴ Ki too
 maŋ kun di dehe miŋ majjaanika ere t'ettiyo ti
 adde dŋ tasse ki toose. Gette majjaanika i ki
 ruumiyo ye, zooyatú ooŋe baadan a dfaana Raa
 me. ⁵ Geŋ injkino majjaanika k'erayi dŋ ki Raa
 dŋ ti kaaga, dŋ an ziipe elkisadan a yode me.
 Kane an ki gili t'ekki kuulizan ye, ⁶ aakede Sara
 t'a illiga ono kuulatú Ibirayim, wo ti di y' waaku
 galmeegutú. Wo ankenno kune toŋ inŋi dŋ

† 2:25 2.25 Kun wollo adda mattup ki Ezayi 53.4-6.

erayi ki tode, aame kun isiyo beehiyko wo kun k'orgiso a munda ye maŋ.

⁷ Kune kuuli toŋ, a lekkiyo ere ti erayguŋ, kun a elko a tuddaŋ ere tasse i jiiere ki kune gettiyo. Kun an elo suma kono kane toŋ maŋ an t'oonaa ti kune kaŋ soo, lekkiyo ere Raa y'un ele ti beekadi. Kun iza inŋino maŋ, munda un t'eegira a urzi tondiyaguŋ a Raa umbo.

Seedu tudde

⁸ Enno onamo don ki dangu me, kune pay min kun lekko adduguŋ kaŋ soo, kun wollo sommagi tudduguŋ, kun geyyo tudduguŋ aakede zemba, kun iso adde koduwo, daa koliyo tudde ti tudduguŋ me. ⁹ Aame bakada y'a ize ulsu maŋ, ki-ti kime ti ulsuko ye, wo aame yi ki gilde maŋ, ki ki ti kime ti kalda ye. Ki too maŋ ki di ti kime ti zaapu beeko, kono tode gettin zaapu beeko ere Raa yi ruute kun t'oonaa, aame y'unni wiike me.

¹⁰ Ono en an riije ti kaaga adda mattup ki Raa, an'de:

«Wede yi diha y'a geyye lekkiyo ere unse wo onniytadi t'aase majjaanawa maŋ, y'a seefde bizi ki rootiyto k'ono don ulpi wo ti lohito k'ono.

¹¹ Ti oldiko y'a-leefde, y'aase beehiyko, y'a dehe urzi ki toose wo y'a seefa zakidi.

¹² Derec, eda Galmeega Raa kane a tukki don ki diine, wo kuwwagi an ollige tondiyadaŋ te. Wo a kane don isiyo ulsu'n, Galmeega Raa y'an kama dar*.»

K'a oyye dabirsa

* **3:12** 3.12 Kun wollo adda mattup ki Soom 34.13-17.

13 Aame kune wehini k'isiyo beehiyko maṅ, wee wee un d'isa ulsu me? 14 Wo soṅ aame d'uwu an unni dabirsa kono kun isiyo munda wede ki diine maṅ, ulbuguṅ iso uṅse. Kun an orgida ye, tudduguṅ kun ti-tasso kono kane me. 15 Ki too maṅ Almasi kun i-t'ele suma daayum adda k'adduguṅ, kono yoṅ Galmeega soo. Aame wede tuuku yi ki tunda y'iisa kee ki zaapu elkisada a Almasi moo me maṅ, ki koono daayum goppon ki t'owwo taaya a zaapu k'elkisada gette. 16 Wo kun i rooto ti tassuwa, ti ottilso wo ti elkiyo ere kun di suune munda k'ulsuko a tudduguṅ umbo. Inṅkino kane d'ouṅ unni kalda a sooruguṅ ere beehiye a urzi k'Almasi, a kane sukuyagi a kalditadaṅ gette. 17 Beehiye a kee wede k'a dabire a munda wede k'ize beehiye aame Raa yi dihe maṅ, miṅ k'a dabire a munda wede k'ize ulsu.

Almasi y'a jiiere unto

18 Inṅkino maṅ Almasi yode batum y'a dibire kono k'oldfiko d'uwu, untadi y'inda kaṅ soo gette a-t'iide, ki sirwe yi ki t'inda ye baa. Yode wede ki diine, y'a inda kono d'ouṅ ki diine ye, kono y'in di'n t'etta k'ume Raa. Yoṅ d'uwu an y'iide a urzi tudde, wo Raa yi-d'ele puukiyo t'urzi k'Unde Kamileṅ. 19 Ti toogo k'Unde gette, y'a t'iide kazita Rabila Majjaanawa a undiyagi d'ouṅ a daṅgay. 20 Kane undiyagi geṅ d'uwu d'ouṅ ti kaaga i-ti tuuge a Raa, aame yi'ni delliso t'ombiṅe a ozzinagi d'ouṅ Nowe y'a ikkima tooko ere meeda a jiiere. Douṅ miibi daṅṅal i t'iide adda tooko me, kane pay miṅ gessire d'ouṅ Raa y'an utte t'urzi

k'ahu me. ²¹ Kane ahu geŋ i-kaza urzi suyyiso batem ere aŋki t'un di'n uttiyo. To suyyiso batem gette i ki d'opilso ganigi tudde ye, wo tod'te i-kaza wede y'ele tuddi a Raa ti elkiyo ere y'a suune munda k'ulsuko a tuddi umbo. Suyyiso batem gette t'un di'n uttiyo t'urzi baldiya k'Isa Almasi, ²² yode wede iŋgile k'awwa ki kandaane, yi lekkiyo a ammade ki Raa, yoŋ goole t'ekki maaleekiyagi wo t'ekki doŋ an d'ede urzi ki dokkiyo ti doŋ an d'ede toogo a kandaane.

4

Lekkiyo ere ti kaaga wo ti ere aware

¹ Kine in suune Almasi y'uune dabar a tuddi, iŋkino'ŋ kune toŋ kun oyyo kun di dabire aa ki yode, kono wede uune dabar a tuddi yi ki lekke a urzi k'oldiko ye baa. ² Inkino maŋ ti aŋki eŋ, lekkiyagun ere a guute a duniya ette, kun di lekke aa Raa yi dehu, wo kun gi di lekke a isiyo suldi doŋ ulpi tudde ti dehu ye. ³ Geŋ derec, kune'ŋ ti kaaga ume baadaŋ kun di y'iŋgile a isiyo suldi doŋ aa kane doŋ i ki suune Raa soo daŋŋal ye addaŋ i dehu. Kune kun likke a urzi boliyo, kun d'ize suldi doŋ ulpi tudde ti dehu, kun d'iife i ceeriyo eego, kun d'iimi duniyagun, kun d'iibite kaŋ soo, wo munda wede ki sukiyagi kun d'uttile a loŋgayi. ⁴ Wo aŋkeŋ kane an seedu giggiraŋ kono kun ki sooru ti kane ye baa a urzi lekkiyadaŋ ere oldo daa k'ume dirsiyatú gette. Inkino'ŋ an un di'n kaldita. ⁵ Wo kane'ŋ onniyo soo an i-t'idey taaya a Raa ki naabadaŋ ere an ize, kono yoŋ goppon y'a defka booro ki

ɗoŋ zeere wo ti ɗoŋ unto pây. ⁶ Kono k'ɪŋkino ɗoŋ i t'inda ti kaaga toŋ, Rabila Majjaanawa an an gizite. Geŋ Raa y'an ɗikke booro a eedaŋ an t'inda, aakede y'aasa ki ɗuwo pay. Wo ankeŋŋo, t'urzi k'Unde Kamileŋ kane an aane an di lekke a lekkiyo ere aa Raa yi dehu.

Doŋ naabo ɗoŋ beehiye ki Raa

⁷ Onniyo a guute goppon ɗuniya t'a ɗaŋga me. ɪŋkino maŋ kun lekko ti suuniyo k'ono wo daayum zeere, kono kun di tonde Raa. ⁸ Munda wede ki poone a jiire, kun geyyo tuddugun t'addugun pay, kono geyyiso gette ti d'eliyo urzi k'isiyo tambobino k'ita k'oldfiko ɓaadaŋ*. ⁹ Kun soodo tuddugun bey sire, daa gurgirso. ¹⁰ Raa y'un ele beeko t'urzi ɓaadaŋ, a wede tuuku toŋ Unde Raa ti d'ele munda k'isiyo naabo Raa kono a nooge tuddugun. ɪŋkino maŋ kun t'isa ɗoŋ yeeriyo beehiye ki sulɗi ɗoŋ Unde Raa t'un ele me. ¹¹ Geŋ wede Unde Raa ti ele munda ki kazita k'ono maŋ, y'a kizite ono Raa. Wo wede Unde Raa ti ele munda ki noogiyo ɗuwo maŋ, y'anni nooge ti toogo ere Raa yi ele. ɪŋkino'ŋ a sulɗi ɗoŋ pay kun ise'ŋ, a t'ele tamma a Raa t'urzi k'Isa Almasi. Geŋ a yode tamma wo toogo ki daayum! Eyye.

Dabar a urzi k'Isa Almasi

¹² Zemba ki nuŋ kune ɗoŋ ki geyyiso, kun ki seeda giggirgun ye a munda un iido ooŋe ɓaadaŋ aa uwo ɗala ɗala toŋ maŋ. Kun elke ye dabar gette aa munda wede a urzizí ye me. ¹³ Wo

* **4:8** 4.8 Kun wollo adda mattup ki Piroberb 10.12.

de kun lekko t'unṣuwo kono kun dabirsa a urzi lekkiyo kettiyo kaṅ soo t'Almasi. Wo geṅ inḱino a onniyo ere dūwo pay an wulla daryikadí maṅ, ulbuguṅ aasa uṅse baadaṅ a ceera. ¹⁴ Aame dūwo an unni kaldíta kono kun umbe a suma k'Almasi maṅ, kun lekko t'unṣuwo kono Unde Raa tod'te i-d'ede toogo, tod'te ti kune. ¹⁵ Aame wenda ti diinaguṅ yi dabirsa kono yoṅ wede tōwwo dūwo mirsi, ise wede k'oogire, ise wede isiyo suldí dōṅ ulpi, wo ise wede eliyo eedí a suldí dōṅ doolo toṅ maṅ, geṅ munda wede beehiye ye. ¹⁶ Wo de aame wede yi dabirsa kono yoṅ wede k'Almasi maṅ, y'a k'ise sukiyagi ye. Ki too maṅ y'a t'imme Raa kono dūwo an yi waaku yoṅ wede k'Almasi.

¹⁷ Kun ollo, onniyo ere Raa y'a t'eesa d'ekkiyo booro a dūwo t'iina baa, wo yi t'eesa booro ti dōṅzí. Wo aame yi t'iisa booro ti kine dōṅzí batum maṅ, a kane dōṅ i-tuuge i k'umbe a Rabila Majjaanawa ki Raa ye, booradaṅ t'aasa ooṅe baadaṅ. ¹⁸ Ono eṅ an riinṅe ti kaaga adda mattup ki Raa, an'de:

«Aame kane dōṅ ki diine'ṅ ooṅe an utta me maṅ, ooṅe baadaṅ sey a dōṅ k'oldfiko i ti toogiyoo k'ambu a ono Raa me†.»

¹⁹ Geṅ inḱino dōṅ i dabirsa a urzi wede aa Raa yi dehu'ṅ, kane an d'ise beehiye daayum, wo an i-d'ooli tuddaṅ pay a Raa wede i'n ikkima, yoṅ yi seedu zakidí a munda wede yi ruute y'aasa me.

† **4:18** 4.18 Kun wollo adda mattup ki Piroberb 11.31.

5

Kooke a ɗoŋ dokkiyo

¹ Ankeŋ ni rootiyo eŋ kooke a ɗoŋ kane ti diinaguŋ i dokkiyo ɗoŋ ogiyso ti suma k'Isa. Nuŋ toŋ wede dokkiyo aa kane kay. Aame Almasi yi dibire, nuŋ ni y' wulle, wo nuŋ toŋ aggado n'a ti t'ooney onniyo ere Raa yi kiza daryikadi gette. Enno munda wede n'an rootiyo me: ² Kun'ni soodo beehiye ɗoŋ Raa y'un ele beyguŋ me, aakede wede k'elso yi boohiyo dambami. Daayum kun ambo attidizaŋ t'adde soo aa Raa yi dehu, kun ise aa an un isiyo ki toogo do ye. Kun zaapo adduguŋ pay a naabo gettiyo, kun k'ise kono k'ooniyo k'agga ye. ³ Kun koone zakidi ye a ekki ɗoŋ Raa y'un ele a beyguŋ me, ki too maŋ konsaguŋ a diinayaŋ t'aase beehiye aa urzi an di wolle an d'ozire eego. ⁴ Inkiŋo geŋ aame Raa mozigo ɗoŋ k'elso y'iina maŋ, yoŋ y'un t'ela kadumul ki gooliko ere a lekka ki daayum.

Kooke a ɗoŋ i ziipe addaŋ a Isa

⁵ A kune obilagi toŋ, kun ollo, n'un di rooto: kun kili t'ekki ɗoŋ dokkiyo i jiire kune ye. Wo onamo eŋ a kune pay: kun t'ise ɗoŋ i koliyo tuddaŋ ye ti tudduguŋ me, kono ono eŋ an riine ti kaaga adda mattup ki Raa, an'de: «A ɗoŋ i koliyo tuddaŋ geŋ, Raa y'an di-toogiyo, wo de a ɗoŋ i ki koliyo tuddaŋ ye, beekadi a eedaŋ*.» ⁶ Inkiŋo maŋ n'un di rooto: kun ottilo, kun kili tudduguŋ ye a daana Raa wede i-d'ede toogo geŋ me, kono yode batum y'un ti'n kila t'awwa

* 5:5 5.5 Kun wollo adda mattup ki Piroberb 3.34.

a onniyo ere yi diha maŋ. ⁷ Kun i ti zaapo attidugun pay a bey ki Raa, kono wede k'ambu k'attidugun yode.

⁸ Kun lekko daayum zeere, kun koona mentikagi! Derec, Meeda siitandani ere k'adugun gette t'unni d'ooliyo liw liw ti dehu wee wee ti seeda me, aa suwwu yi m'olo wiyirr wiyirr yi dehu yi seeda seysu. ⁹ Aame daayum kun konso zakidi a urzi zaapu k'adde a Raa maŋ, kun d'ôhira toogo a d'aanatu me. Kune kun suune zembagun don a urzi k'Isa adda duniya pay geŋ, kane an dabirsa aa kune kay. ¹⁰ Kune kun a-dabira sey k'onniyo miibi danjal, wo Raa ki beeko ere pay y'unni wiike kun t'etta a daryikadi ere ki daayum kono kun lekkiyo kettiyo kaŋ soo t'Almasi. Injino maŋ yode batum y'un di'n oodiba ki diine, y'un t'ela toogo wo y'un di'n isa kun seeda zakidi a urzi zaapu k'addugun. ¹¹ Geŋ toogo ti koona eedi ki daayum! Eyye.

Toose ere ki danju

¹² Nun n'un riije ono don boolon adda mattup ette ti noogiyo ki Silas. Ni suune yon leema wede yi seedu zakidi a naabo. Nun ni riije kono n'un d'eeliyo kooke, wo n'un di roote kereŋ: kun soodo zakidi a beeko ere derec ki Raa.

¹³ Zemba don ogiyo ti suma k'Isa a enno a Babiloon† geŋ, kane don Raa yi biire aa kune kay, an un t'ize toose. Wo Markus wede yon aa ulo‡

† **5:13** 5.13 Babiloon: Ki Piyer maŋ suma «Babiloon» gette i-kaza geeger ki Room. ‡ **5:13** 5.13 Markus wede yon aa ulo: Markus geŋ ulo k'adde Piyer ye, yon sanallusu wede yi giyye.

ton, y'un t'ize toose pây. ¹⁴Kun t'eesito tuddugun
kaŋ bey sire sire aa zembâ.

Geŋ toose ti koonâ eggun, kune don pay i
lekkiyo kettiyo kaŋ soo ti Almasi me.

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

523c1c0a-f8ac-5d2f-aebe-7063b0de6b23